

EDIDAHA ÑKPQÑ OBOT SINAI

Numbers 9:15-23; 10:11-13, 29-36

QYQHQ UKPEP-ÑKPQ 91

Eke Ikpọ Owo

IKQ IBUOT: “Nnyin imọṅ isañ ika ebiet emi Jehovah ọkọdọhọde, ete, Nyeda enye nnọ mbufo: saña ye nnyin, ndien nnyin iyefọn ye afo: koro Jehovah ọmọdọhọ se ifọnde abañ Israel” (Numbers 10:29).

I Idiọṅ Obubit enyọṅ

1. Obubit enyọṅ ke uwemeyo ye adaha ikañ ke okoneyo akada usuñ, Numbers 9:15-23; 10:11; Exodus 13:21, 22; 14:19, 20, 24, 25; 40:34-38; Psalm 78:14; 105:39; Isaiah 4:5, 6
2. Obubit enyọṅ adaha ndien Israel edaha isañ ekpọṅ Sinai, Numbers 10:12, 33, 34; Deuteronomy 32:11, 12
3. Obubit enyọṅ atuak ada ndien Israel enyuñ ewuk nna mmọ ke Paran, Numbers 10:12, 13, 33, 34

II Ikot emi Moses Okokotde Eyen Eka-anwan Esie Eren

4. “Saña ye nnyin,” Numbers 10:29; Isaiah 55:1-3; John 7:37; Eriyarare 22:17
5. Mme ñkpọ uwem emi anam Hobab etre ndiyere ikot, Numbers 10:30; Matthew 19:21, 22
6. Itie odu ọṅ Hobab ndinam utom, Numbers 10:31; I Ñwed Corinth 12:8-27
7. Utip ke ebet Hobab, Numbers 10:32; I Ñwed Corinth 2:9

III Akam Usenubọk Ye Mbubreyo

8. “Nnyuñ yak mme asua fo esuana,” Numbers 10:35
9. “O Jehovah, fiak tiene uwak mme tọsin Israel,” Numbers 10:36.

SE EKPEPDE EBAÑA

Ini Ukpep

Ke ñkpọ nte isua kiet Israel ekenam nna mmọ ke Obot Sinai. Ke ini emi ke mmọ ekebọ Ibet eto Abasi, emi edidade ekara mmọ ke Isọñ Eñwọṅ. Mmọ ema etim eda ini emi mmọ ekenyenede ke ini mmọ ekedude ọtọ kiet man ekeme ndikpep mbaña usuñ Ọbọṅ. Edi mi ke ekenam Ekebe Ediom, ebọp Ataya, etọṅ ndinim mme oku, enyuñ ekpep mme owo ebaña usuñ emi Abasi oyomde mmọ ekpono Enye.

Obubit Enyọṅ

Abasi ekesidu ke enyọṅ Ataya oro nte obubit enyọṅ ke uwemeyo ye nte adaha ikañ ke okoneyo. Ke ini Abasi oyomde Israel edaha isañ, obubit enyọṅ ekesidaha onyuñ ebem mmọ iso. Ke adaña ini nte obubit enyọṅ odude ke enyọṅ Ataya, Israel ekenyene ndisuhọ ke nna, ekpedi usen iba, ọfiọṅ kiet, mme isua kiet (Numbers 9:15-23). Ndusuk ini isañ ama esifek mmọ, ke mme ini efen ọsọṅ ye mmọ ndidu ke nna, edi Abasi ekedi Ada-usuñ mmọ. Idighe kpukpru ini ke Eyen Abasi ọfiọk ntak emi Abasi adade enye usuñ ntre, edi mmọ eke etienede Enye enyene akwa utip. Ediwak ini Abasi esisiri usuñ okposuk edi nte nditọ Esie mikemeke ndikut ñkpọ ndik emi odude ke iso. Ke mme ini efen, Abasi enyik mme owo eka iso ke ini emi mmọ mikwe ntak ndidaha. Ekekot Philip, asuan-etop Ikọ Abasi ke mboho edidemere ke Samaria ete aka ke akpa-utatan, edi Abasi ama enyene ntak ndinam ntre: ukpọṅ nsat-itọṅ kiet okoyom Abasi (Utom Mme Apostle 8:26-40).

Isañ

Idaha emi, ekem ini ndidaha isañ. Abasi ọṅ idiọṅ. Obubit enyọṅ adaha ke enyọṅ Ataya. Isañ ọtọṅ ke nna emi odude ke edem usiaha-utin ke ini emenerede adaha (Ọfọṅ etak ubom emi ekemede ndikut ke nsan-nsan) eke Judah ndien otu owo enyuñ etọṅ isañ. Ubon Issachar ye Zebulun etiene ke edem koro mmọ edude ke idak ọfọṅ etak ubom eke Judah nte ikpehe otu kiet. Nte emi akade iso, mme Levi esuhọre Ataya oro enyuñ ebeñe idem isañ. Mme ubon Gershon ye Merari (mme Levi) etiene ikpehe Judah ke edem ye kpukpru se edade ebọp ñkan-ñkuk Ataya Efe Esop oro man ekeme ndiwuk enye ke ini ekededi eke esimde ebiet nduọk odudu.

Ke ñkañ usuk-usuk nna oro, ikpehe Reuben edi ye ọfọṅ etak ubom mmọ ke enyọṅ, ewọṅore eduk nnasia ke ebiet emi nna Judah okodude. Ke edem mmọ, mme Kohath ebim Ekebe-Ediom ye mkpoduho Edisana Ebiet etiene mmọ. Ke ini mmọ esimde nna efen, eyewuk Ataya oro. Ke edem usop-utin, ọfọṅ etak ubom eke Ephraim ye ikpehe otu mmọ ke esañ eka iso, enyuñ emenere ọfọṅ etak ubom eke Dan ke ñkañ edere, ikpehe otu mmọ enyuñ ewọṅore eduk ufien, enyuñ esañ ke edem.

Nso utọ utibe ndise ke ekpedi ndida ke Obot Sinai ñkut akwa otu ekọṅ Israel nte esañade owo 600,000 ke esiode iban ye nditọ-ọwọṅ efep! Mi ñko nnyin ikut ite ke Abasi idighe Abasi ndutime.

Qtọ Esañade Eka

Ke ini nna Israel akadahade ntem, Moses ama ọdọhọ Hobab, eyen eka ańwan esie, ete, “Nnyin imọń isaña ika ebiet emi Jehovah ọkọdọhọde, ete, Nyeda nnọ mbufo.” Moses ye Nditọ Israel ema enyene akpan itie emi mmọ ekekade. Mmọ ema ebọ eńwọńọ eto Abasi ete ke Enye eyenọ mmọ isọń oro.

Nnyin ńko imenyene eńwọńọ isọń eke ọfọnde akan. “Edi ke emi mmọ eyom isọń eke ọfọnde akan, oro edi, isọń eke odude ke heaven. Mmọdo inamke Abasi but ndikere Abasi mmọ; koro enye ama ebeńe obio ọnọ mmọ” (Mme Hebrew 11:16). Nte afo asaña ntre ke uwem emi unyeneke iwuk mme idorenyin ndisim Heaven? Nso utọ utom inana ufọn ntre! Eyen Abasi enyene iwuk, eńwọńọ ye Ada-usuń emi edińwamde enye ndisim Obio oro Abasi ekebeńede onim.

“Saña ye nnyin, ndien nnyin iyefọn ye afo: koro Jehovah ọmọdọhọ se ifọnde abaña Israel.” Ikpanaha nnyin ibiat ini ndikot owo ete edisaña ye nnyin ke usuń Abasi emi koro Ọbọń “okonyuń adade ọnọ nnyin mme uńwọńọ eke esọńde urua enyuń ekponde eti-eti” (2 Peter 1:4). Ana nte nnyin inyene “Obufa enyọń ye obufa isọń, ndien edi do ke edinen ido ediduń.” Edieke mme Pharisee “ekanarede inyań ye obot, ete inam kpa owo kiet okpono Abasi ke ido mmọ” enyuń enam enye edi eyen hell utim ikaba akan mmọ, nte nnyin nditọ Abasi ikpotimke isin ifik ke ndiduri mme ukpọń nsio ke idiok-ńkpọ? Nte nnyin idi nditọ eke inyenede udeme ke se Abasi onimde, inyuń isañade ye Christ inyene udeme, ndien nnyin ibiat ini ndikot mme ufan nnyin ite edisaña ye nnyin?

Ebuana Ye Ererimbot

“Ndien enye ọdọhọ enye, ete, Ndige: edi nyefiak ke isọń mi, ye ke oruk mi.” Idighe mmem-mmem ńkpọ ndisibe ebuana ye ererimbot. Ediwak ńkpọ edu ke isọń nditap owo, ibọhọke owo enyene ńkukut heaven. Ediwak ini esitiń ete, “Mmenyene awak akan nte ńkpayakde atak.” Emi eti nnyin abaña ekpri eyen eren emi ekeyomde ndinọ enye obufa enań-ukwak ke itie ifiom emi edade tian enam. Eyen emi ama oyom enań-ukwak emi, edi enye ikonyimeke ndisana ifiom esie nyak, ke ntre ama esin enań-ukwak oro. Mme owo mfin emi ekpọnọre uwem nsinsi enim, ekabare ebine mme ikpikpu ńkpọ emi minyeneke ufọn inọ mmọ nte ifiom oro.

Moses ikonyimeke inọ Hobab, edi ama owut enye utom emi akanade ebet enye. Ediwak ifet odu ọnọ mme anam-utom ke ińwań Abasi. Jesus ama ọdọhọ ete, “Ke akpanikọ idok okpon, edi mme anam-utom iwakke” (Luke 10:2). Moses ama ọńwọńọ ọnọ Hobab ete, “nnyin iyeda mfọn emi Jehovah edifọnde ye nnyin, ifọn ye afo ńko.” Jesus ama ọńwọńọ ete ke, “andikpeńe ukpeńe ke ọbọ ńkpọ eyen-utom, onyuń atań mbuńwum ọnọ nsinsi uwem” (John 4:36).

Eyom Nda-Usuń

Akana nte Abasi ada Israel usuń ke obubit enyọń ye adaha ikań edi Moses ama ọdọhọ Hobab editie nte enyin ọnọ mmọ. Edieke akanade nte Abasi ada mmọ usuń, nso ufọn ke enyin Hobab akpanam ọnọ mmọ? Ndusuk owo ekere ete emi okowut unana mbuqtidem Moses ke Abasi. Inaha nte ida ntre. Ediwak odu se owo emi odude ke akpa-utatan ekemedede ndiwut, nte mbiet, mmọń, ńkpọ ndik ye se ikemedede ndita ikań, ke ini Abasi ama ekemek ebiet nna ọnọ Israel. Nnyin imoyom mme ada-usuń ye mme andise-utom emi enyenede ifiok ye ọniọń, okposuk edi nte Spirit Abasi adade nnyin usuń.

Anie Edika?

Nte Hobab ama aka ye Israel? Nso edi ibọrọ fo ke abaña ikot Gospel? Nte emekeme ndisin ikot emi, ke ini “se enyin mkekwe, utọń mikonyuń ikopke, se minyuń idukke owo ke esit ndikere, ńkpọ ekededi eke Abasi ekebeńede onim ọnọ mmọ emi emade enye” (1 ńwed Corinth 2:9).

DI SAÑA YE NNYIN

“Ini kiet owo Midian “koyo,

Edi k’ otu Israel

Abasi ‘duńde ye mmọ

“Saña ye nnyin” Moses, dọhọ, “iyenam fi eti.

Abasi etiń abaña Israel.”

Chorus:

Afo di ye nnyin Ndien iyeńwam fi,

Buana ye nnyin isọń mmọń-eba y’aran ọkwọk

Afo di ye nnyin man ika Canaan,

O, di buan’idara ye nnyin ‘dighe k’ okuk.

Isọń eńwọńọ emi ke iyom

Andinyaña nnyin ada usuń

Ińwana ke enyiń,

**Koro edide eti ison̄,
Isan̄ mm̄on̄ ye mm'obot
Emi Jehovah kpemede kpukpru ini**

**Ntre idoh̄o kpukpr'owo kpukpr'ebiet,
“Di ye nnyin, Abasi ye nnyin.
Buan'idara ye nnyin
Ye mme andiyo k'usuñ, ukut ye mbiomo ñko
“Di, duñ ye nnyin ke eti ison̄ emi.”**

MME MBUME

1. Yom kpukpru mme itie ke Ñwed Abasi emi etiñde ebaña obubit enyōñ ke akwa akai-ikot.
2. Nditō Israel ekebigi adaña didie ke Obot Sinai?
3. Tiñ kpukpru ufōn eke edude ke owo ndiyere ikot Gospel.
4. Nso udori odu ke ndisin ikot emi?
5. Nso ke Ñwed Abasi etiñ abaña owo ndiyak ubon esie ebiqñq enye nditiene Jesus?
6. Nte Moses okoyom Hobab oyom itie nna on̄o Israel?
7. Nte afo omonim ete enen owo ndisuan ikot Gospel ke idem esie nn̄o mme owo? Ekpedi ntre, nso ke afo anam abaña emi?
8. Nso “ufōn” ke Jehovah qd̄oh̄o abaña Israel?
9. Nso ke Moses ekesinam ke usenubok ye mbubreyo?
10. Didie ke Israel ekesifiok ini emi enyenede ndiwuhqre nna?